

Službene novine Federacije BiH, broj 5/08

Na osnovu člana 55. stav 3. Zakona o lovstvu ("Službene novine Federacije BiH", broj 4/06), federalni ministar poljoprivrede, vodoprivrede i šumarstva donosi

PRAVILNIK

O PROGRAMU, UVJETIMA I NAČINU POLAGANJA LOVAČKOG ISPITA

Član 1.

Ovim Pravilnikom propisuje se program, uvjeti i način polaganja lovačkog ispita, utvrđuje se obrazac i način izdavanja Uvjerenja o položenom lovačkom ispitu (u daljnjem tekstu: Uvjerenje) te oblik, sadržaj i način vođenja Upisnika o izdanim uvjerenjima o položenom lovačkom ispitu (u daljnjem tekstu: Upisnik).

Član 2.

Program za polaganje Lovskog ispita (u daljnjem tekstu: Program), štampan je uz ovaj Pravilnik i čini njegov sastavni dio, a sadrži slijedeće teme: - zakonski propisi iz oblasti lovstva; - rasprostranjenost i biologija divljači; - planiranje, i organizacija u lovnom gospodarstvu; - lovačko oružje, osnovi balistike i lovnog streljaštva i lovačka oprema; - trofeji divljači, obrada i ocjenjivanje; - lovna kultura; - lovna kinologija; - načini korištenja lovišta; - bolesti divljači i lovačkih pasa; - prva pomoć u lovu. U skladu sa Programom iz stava 1. ovog člana, Lovski savezi dužni su sačiniti Priručnik za polaganje lovačkog ispita (u daljnjem tekstu: Priručnik). Teme iz stava 1. ovog člana osnov su za oblikovanje ispitnih pitanja na provjeri znanja. Lovski ispit (u daljnjem tekstu: ispit) se polaže pismeno rješavanjem testa i usmeno.

Član 3.

Ispit se polaže pred Komisijom za lovački ispit (u daljnjem tekstu: Komisija) koju na prijedlog lovačkih saveza posebnim rješenjem imenuje federalni ministar poljoprivrede, vodoprivrede i šumarstva (u daljnjem tekstu: federalni ministar). Sastav, period na koji se imenuje, naknada za rad i drugi bitni odnosi za rad Komisije odredit će se rješenjem iz stava 1. ovog člana. Članovi Komisije moraju biti stručna i iskusna lica iz oblasti lovstva, sa VSS a koja su tokom svog školovanja izučavala predmet lovstvo.

Član 4.

Ispit se polaže po isteku pripravničkog staža, koji traje godinu dana računajući od dana sticanja statusa pripravnika, odnosno prijema u lovačko udruženje. Punoljetni državljanin BiH, koji nema položen ispit, učlanjenjem u lovačko udruženje stiče status pripravnika. Član lovačkog podmlatka lovačkog udruženja do sticanja punoljetnosti ima status mlađeg pripravnika. Mlađi pripravnik, koji je u kontinuitetu imao ovaj status duže od tri godine, a u posljednjoj godini prije sticanja punoljetnosti vodio dnevnik, stiče uvjet da može polagati ispit. Mlađi pripravnik, koji je kraće od tri godine imao ovaj status, sticanjem punoljetnosti dobiva status pripravnika.

Član 5.

Za vrijeme trajanja pripravničkog staža lovačko udruženje je obavezno provesti plan i program teorijske i praktične obuke pripravnika, u skladu sa članom 2. ovog Pravilnika. Praktični dio plana i programa

naročito sadrži: - izgradnja lovnih objekata /prihvatišta, remize, polja za divljač...i lovno-tehničkih objekata /hranilišta, solišta, pojilišta, čeke.../ u lovištu; - prihranjivanje divljači u lovištu; - utvrđivanje brojnog stanja divljači u lovištu; - čuvanje i zaštita lovišta; - organizovane akcije, za zaštitu divljači i lovišta, smanjenja broja predatora /bez oružja/; - obrada divljači i priprema trofeja divljači za ocjenjivanje.

Član 6.

Za realizaciju teorijske i praktične obuke pripravnika, odgovorni su: mentor, stručno lice-upravnik lovišta i stručni predavači sa završenim VI i VII stepenom stručne spreme iz oblasti koja je predviđena u Programu za polaganje lovačkih ispita.

Član 7.

Prije početka pripravničkog staža, lovačko udruženje je obavezno da za svakog pripravnika pored organizovane teorijske nastave osigura i Priručnik, u cilju lakšeg sticanja znanja predviđenog Programom.

Član 8.

Pripravnik o svojim aktivnostima u toku pripravničkog staža vodi Dnevnik.Dnevnik po završetku pripravničkog staža ovjerava mentor.Kandidat koji ne položi ispit, Dnevnik zadržava do ponovnog polaganja ispita, a poslije položenog ispita Dnevnik se arhivira u lovačkom udruženju.

Član 9.

Mentor se imenuje preko Lovačkog saveza i mora posjedovati najmanje IV stepen šumarske, veterinarske ili poljoprivredne /stočarski smjer/ struke i najmanje pet godina lovačkog staža, odnosno IV stepen bilo koje struke i 10 godina lovačkog staža.Jedan mentor može biti zadužen za rad sa najviše 15 /petnaest/ pripravnika.Radom mentora koordinira stručno lice-upravnik lovišta, lovačkog saveza u kojem se obavlja pripravnički staž.

Član 10.

Mentor po završetku pripravničkog staža podnosi izvještaj i ocjenu korisniku lovišta i lovačkom savezu.Lovačko udruženje na osnovu izvještaja mentora donosi odluku kojom utvrđuje da je pripravnik osposobljen-nije osposobljen za polaganje lovačkog ispita i tu odluku dostavlja pripravniku.Pripravnik po dobivanju odluke iz stava 2. ovog člana, podnosi pismenu prijavu za polaganje ispita.Lovačko udruženje je dužno da u roku od 30 dana po prijemu prijave organizuje polaganje lovačkog ispita.

Član 11.

Lovačko udruženje po prijemu najmanje 10 /deset/ prijava za polaganje ispita, dostavlja zahtjev Lovačkom savezu.Zahtjev sadrži: prijedlog mjesta i vremena održavanja ispita i osnovne podatke o kandidatima /ime, prezime i matični broj, adresa prebivališta, datum i mjesto rođenja, naziv matičnog udruženja/.Na ispit mogu izići samo oni kandidati koji su navedeni u zahtjevu.

Član 12.

Lovačko udruženje pisanim putem obavještava pripravnike o mjestu i vremenu polaganja ispita. Obavještenje iz stava 1. ovog člana dostavlja se najkasnije osam dana prije polaganja ispita.

Član 13.

U slučaju da se lovačkom udruženju prijavi manje od 10 pripravnika, prijavljeni pripravnici se mogu uputiti u drugo lovačko udruženje kod koje se održava polaganje ispita. Pripravnik upućen u drugo lovačko udruženje, obavezan je ponijeti odluku iz člana 10. stav 2., ovog Pravilnika, ovjeren Dnevnik i dokaz o uplati naknade za polaganje ispita. Naknadu iz stava 2. ovog člana propisuje federalni ministar.

Član 14.

Prije početka ispita, na osnovu evidencije kandidata koju vodi Stručna služba Saveza, Komisija utvrđuje identitet kandidata /lična karta, vozačka dozvola ili putna isprava/. Kandidat je dužan Komisiji staviti na uvid ovjeren Dnevnik. Ukoliko kandidat ispit ne polaže u matičnom lovačkom udruženju, pored Dnevnika, potrebno je da Komisiji stavi na uvid i Odluku iz člana 10. stav 2. ovog Pravilnika.

Član 15.

Ispit se polaže pisano rješavanjem testa pred Komisijom u punom sastavu. Pripravnik odgovara na 50 pitanja formuliranih u 10 grupa, u skladu sa pitanjima iz Priručnika. Odabir pitanja vrši Komisija po principu "neviđeno" /odabirom grupe od I do 10/. Kandidat se ocjenjuje ocjenom: POLOŽIO ili NIJE POLOŽIO. Kandidat se ocjenjuje ocjenom "položio" ako je pokazao zadovoljavajuće znanje ispitnog gradiva, odnosno pravilno riješio 95% i više testa. Kandidati koji su pravilno riješili od 75% do 95% testa imaju pravo pristupiti usmenom dijelu ispita. Usmeni dio ispita se polaže odgovaranjem na tri (3) pitanja, koja su pisanoj formi, sa pravom članova Komisije na potpitanja. Za kandidata koji neopravdano odustane od započetog polaganja ispita, smatra se da nije položio ispit. Kandidata koji ometa održavanje ispita predsjednik Komisije udaljiti će sa ispita, a na ispit može ponovno izići poslije šest mjeseci od dana udaljavanja.

Član 16.

O toku polaganja ispita vodi se Zapisnik o polaganju ispita (u daljnjem tekstu: Zapisnik) koji mora obavezno sadržavati: - opće podatke (naziv i sjedište lovačkog udruženja, mjesto i datum održavanja ispita, ukupan broj kandidata, broj kandidata koji su položili i broj kandidata koji nisu položili ispit); - primjedbe (utisci članova Komisija o provedenom ispitu); - članovi Komisija (imena i prezimena predsjednika i članova Komisije) i - podatke o svakom kandidatu koji je položio ispit (redni broj, ime i prezime, lični broj, prebivalište i adresa stana, naziv lovačkog udruženja čiji je član i podatak koji put izlazi na ispit). Zapisnik vodi i sastavlja sekretar Komisije, a potpisuju ga predsjednik Komisije i sekretar Komisije (zapisničar). Lovačkom udruženju u kojem je održano polaganje ispita, dostavlja se pravilno sačinjen Zapisnik, kao i Lovačkom savezu i Federalnom ministarstvu poljoprivrede, vodoprivrede i šumarstva (u daljnjem tekstu: Federalno ministarstvo) u roku od deset dana od dana održavanja ispita.

Član 17.

O položenom ispitu svakom kandidatu Federalno ministarstvo izdaje uvjerenje, koje ima karakter javne isprave, na obrascu koji je štampan uz ovaj pravilnik i čini njegov sastavni dio. Obrazac uvjerenja iz stava 1. ovog člana sastoji se od jednog lista papira A 4 formata. Obrazac uvjerenja toniran je u zelenoj boji. Podaci u obrascu uvjerenja ispunjavaju se kompjuterski.

Član 18.

Na obrascu uvjerenja od vrha prema dnu je tekst slijedećeg sadržaja: - naziv tijela koje izdaje Uvjerenje; - naziv obrasca Uvjerenja; - ime i prezime nosioca Uvjerenja; - adresa prebivališta nosioca uvjerenja; - matični broj; - datum, mjesto i država rođenja nosioca Uvjerenja; - državljanstvo nosioca Uvjerenja; - mjesto i datum kada je nosilac Uvjerenja položio ispit; - M. P. i potpis ovlaštenog lica; - serijski broj obrasca Uvjerenja.

Član 19.

Federalni ministar potpisuje uvjerenje i preko Lovачkog saveza dostavlja lovcu Uvjerenje o položenom ispitu. Broj uvjerenja Stručna služba Lovачkog saveza upisuje u zapisnik, a kopiju zapisnika zajedno sa Uvjerenjem dostavlja lovačkom udruženju.

Član 20.

Lovački savezi vode evidenciju o položenim ispitima i o izdanim uvjerenjima na obrascu upisnika koji je štampan uz ovaj Pravilnik i čini njegov sastavni dio. Upisnik se sastoji od listova papira standardnog formata A4 koji su označeni rednim brojevima i moraju biti uvezani. U Upisnik se upisuju slijedeći podaci: - redni broj upisa; - serijski broj obrasca uvjerenja; - podaci o licu kojem je izdano uvjerenje (ime i prezime, adresa prebivališta, matični broj, datum, mjesto i država rođenja, datum i mjesto polaganja ispita); - podatke u vezi s izdanim uvjerenjima (ovlašteno lice, potpis i pečat). Lovачko udruženje vodi matičnu knjigu o polaganju ispita.

Član 21.

Lovačko udruženje u člansku kartu lovca upisuje podatak o položenom ispitu.

Član 22.

Licu koje dostavi dokaz o ispunjenju uvjeta iz člana 55. Zakona o lovstvu, Komisija za polaganje lovačkog ispita izdaje Uvjerenje o oslobađanju polaganja ispita (rješenje), nakon postupka nostrifikacije. Državljaninu BiH koji dostavi dokaz o položenom ispitu, izvan teritorije BiH, nakon položenog ispita iz lovnog zakonodavstva u BiH, Komisija izdaje Uvjerenje o položenom ispitu. Uvjerenje iz st. 1. i 2. ovog člana izdavat će se zaključno sa 31.12. tekuće godine.

Član 23.

Kandidat koji ne položi ispit nakon drugog polaganja gubi status pripravnika. Lice iz stava 1. ovog člana ima pravo da, nakon isteka jedne godine, od drugog neuspješnog polaganja, ponovno podnese zahtjev za stjecanje statusa pripravnika.

Član 24.

Za održavanje ispita članovima Komisije pripada novčana naknada na ime učešća u radu Komisije, koja se utvrđuje posebnim rješenjem federalnog ministra.

Član 25.

Ovaj Pravilnik se primjenjuje u svim lovačkim udruženjima koje djeluju na području Federacije Bosne i Hercegovine.

Član 26.

Danom stupanja na snagu ovog Pravilnika prestaje važiti Pravilnik o programu, uvjetima i načinu polaganja lovačkog ispita ("Službene novine Federacije BiH", broj 63/06).

Član 27.

Ovaj Pravilnik stupa na snagu narednog dana od dana objave u "Službenim novinama Federacije BiH".

Prilog 1: program edukacije pripravnika

	<i>Tema</i>	<i>Kratak opis</i>	<i>Sati</i>
I	TEORETSKI DIO (obuka u učionicama)		
1.	Istorijat lovstva	Istorijat i razvoj lovstva, lovstvo u BiH, lovstvo danas	3
	Interpretacija Zakona o Lovstvu i podzakonski akti (pravilnici, odluke, uredbе)	Osnovna struktura Zakona o lovstvu, Posebna informacija	3
2.	Prava i dužnosti lovočuvara	Odnos i ponašanje prema lovočuvaru, pružanje informacija	2
3.	Korištenje administrativnih standarda i formulara u lovstvu, vođenje stručne evidencije	Koji su propisani i u praktičnoj upotrebi	2
4.	Utvrđivanje brojnog stanja divljači	Načini i metode utvrđivanja brojnosti divljači u lovištu	2
5.	Metode utvrđivanja Lovno produktivnih površina	Objasniti metode određivanja LPP za pojedine vrste divljači	2
6.	Osnovi ekologije divljači	Populacija: veličina, gustina, polna, starosna i socijalna struktura, način života, potrebe, reprodukcija za glavne uzgojne vrste	5
7.	Određivanje boniteta i kapaciteta lovišta	Pojam boniteta, metode bonitiranja, kapacitet lovišta, određivanje kapaciteta	4
	Određivanje stepena korištenja i načini korištenja populacija divljači	Realni prirast, vrijeme i način izvođenja lova i uticaj lovnog pritiska na populacije divljači	4
8.	Prihranjivanje divljači	Period prihranjivanja, hraniva i normativi	2
9.	Zaštita divljači	Elementarne nepogode, predatori i štetočine, lovokrada i krivolov, bolesti i povrede	2
10.	Štete od divljači	Vrste šteta i mjere za njihovo sprječavanje	2
11.	Planiranje lovnog gazdovanja	Osnove planiranja, godišnji plan, lovna osnova, praćenje realizacije programa i planova, organizacija grupnih lovova	3
12.	Bolesti divljači i higijena lovišta	Upoznavanje sa bolestima divljači i mogućnosti prevencije istih	2
13.	Lovna kinologija	Vrste lovačkih pasa i njihova upotreba u lovu, uzgoj i njega pasa	4
14.	Postupak sa odstrijeljenom divljači i Lovачki trofeji	Obrada krupne divljači, obrada sitne divljači; Pojam i istorijat, međunarodni propisi za ocjenu-CIC, trofej kao pokazatelj vrijednosti populacije, pravilna obrada i čuvanje trofeja	4
		Ukupan broj sati:	46
II	PRAKTIČNI DIO (obuka na terenu)		
15.	Lovačka etika i običaji	Osnove lovačke etike i običaja, ponašanje lovca u javnosti	2
16.	Orijentacija u šumi	Upotreba mape i kompasa	2
17.	Upotreba lovnih pasa	Praktičan rad sa psima	4
18.	Lovna infrastruktura	Izbor mjesta za postavljanje lovnih objekata i gradnja objekata	6
19.	Prirodne karakteristike lovišta	Limitirajući faktori u staništu, negativni uticaji na stanište, značajni za život i opstanak divljači	4
20.	Prihranjivanje divljači	Iznošenje soli i hrane za divljač, načini izlaganja hrane	4
21.	Upotreba lovačkog oružja i municije, tehnika gađanja	Nošenje i držanje lovačkog oružja, upotreba oružja, lovno streljaštvo, održavanje oružja	6
22.	Načini i vrste lovljenja divljači	Pojedinačni i skupni lovovi, ponašanje lovaca u skupnim lovovima	6
		Ukupno sati	34
		SVEUKUPNO:	90

Prilog 2. Obrazac Uvjerenja o položenom lovačkom ispitu

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO POLJOPRIVREDE,
VODOPRIVREDE I ŠUMARSTVA
KOMISIJA ZA LOVAČKI ISPIT

U V J E R E N J E
O POLOŽENOM LOVAČKOM ISPITU

.....
(ime i prezime)

.....
(adresa prebivališta)

.....
(JMBG)

.....
(datum, mjesto i država rođenja)

.....
(državljanstvo)

.....
(mjesto i datum polaganja)

M.P. (predsjednik Komisije)

.....
(federalni ministar)

Sarajevo, _____ godine.

Serijski broj: № 00001

Prilog 3: Obrazac evidencije o izdanim uvjerenjima o položenom lovačkom ispitu

Grb saveza

EVIDENCIJA
O IZDANIM UVJERENJIMA O POLOŽENOM LOVAČKOM ISPITU

U ovom registru sadržani su
redni brojevi od
zaključno sa

Redni broj:	Serijski broj uvjerenja	Ime i prezime nosioca uvjerenja	Adresa prebivališta	Matični broj	Datum, mjesto i država rođenja	Datum i mjesto polaganja ispita	Ovlašteno lice
1	2	3	4	5	6	7	8

Broj 06-02-283-2/07 januara 2008. godine

Sarajevo

Ministar mr. sci. **Damir Ljubić**, s. r.